

Na osnovu člana 10. 11. i 27. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 25. aprila 2005. godine, donijelo je

ODLUKU
O PRIVREMENOM KORIŠĆENJU JAVNIH POVRŠINA
I. OPĆE ODREDBE

Član 1.

Ovom Odlukom utvrđuju se posebni uslovi i kriteriji zadodjelu lokacija za privremeno korišćenje javnih površina za postavljanje kioska, slobodnostojećih otvorenih baš čiči, slobodnostojećih reklamnih panoa i slobodnostojećih displeja, visina naknade za privremeno korišćenje javnih površina, na činnaplate i mjere za sigurnu i efikasnu naplatu i druga pitanja od značaja za privremeno korišćenje javnih površina na području Općine Stari Grad Sarajevo (u daljnjem tekstu: Općina).

Član 2.

Javnom površinom smatraju se površine iz člana 3. Zakona o privremenom korišćenju javnih površina na području Kantona Sarajevo (u daljnjem tekstu: Zakon), a mogu se koristiti za namjene utvrđene članom 2. Zakona.

Član 3.

Lokacije za privremeno korišćenje javnih površina mogu sedodijeliti pravnim licima registrovanim za obavljanje određene djelatnosti i fizičkim licima koja imaju odobrenje za obavljanje djelatnosti (u daljnjem tekstu: korisnici).

Član 4.

Dodjela lokacija za postavljanje kioska i slobodnostojećih otvorenih baš čiči u centralnom dijelu općine, kao i dodjela lokacija za postavljanje slobodnostojećih reklamnih panoa i slobodnostojećih displeja na području općine vrši se putem oglasa.

Član 5.

Dodjela lokacija za namjene utvrđene u članu 4. ove Odluke vrši se na osnovu elaborata Vlade Kantona Sarajevo (u daljnjem tekstu: elaborat).

Član 6.

Prednost prilikom dodjele imaju, prema sljedećem rasporedu:

1. Privredna društva formirana odlukama boračkih organizacija, njihovih asocijacija i članova sa područja općine Stari Grad,
2. Privredni subjekti u kojima radi preko 30% uposlenih demobilisanih boraca ili članova šehidskih porodica ili invalida,
3. Demobilisani borci, članovi uže porodice šehida i poginulih boraca, ratni vojni invalidi.

Član 7.

Kod utvrđivanja prednosti iz prethodnog člana, vrednovanje se vršiti na osnovu sljedećih mjerila: Za lica iz člana 6. stav 1. i 2. ukoliko imaju veći broj zaposlenih, Za lica iz člana 6. stav 3.- članovi uže porodice šehida i poginulih boraca: 100 bodova;- invalidnost sa tjelesnim oštećenjem, za svaki procenat tjelesnog oštećenja: 1 bod;- vojna priznanja; 1. Zlatni ljiljan i Zlatna policijska značka: 50 bodova; 2. Općinska priznanja za doprinos odbrani i ostala vojna priznanja utvrđena Zakonom: 30 bodova- Angažman u oružanim snagama Bosne i Hercegovine zavrijeme rata, za svaki mjesec 2,5 boda. Ako kod korisnika radi više lica koji ostvaruju bodove iz ovog člana, bodove sabiraju. Općina može da kontroliše rad navedenih lica (da nisu samofiktivno prijavljeni na konkursu) i da u slučaju odstupanja od podataka iz konkursne prijave pokrene aktivnosti oko poništenja rješenja.

Član 8.

Javni oglas za dodjelu lokacije objavljuje se najmanje ujednom od dnevnih listova Federacije BiH, kao i na oglasnoj ploči Općine. Sadržaj oglasa utvrđuje na čelnik Općine putem Službe za urbanizam, stambene i komunalne poslove u skladu sa Zakonomi ovom Odlukom. Prijave na oglas razmatra Komisija koju rješenjem imenuje čelnik Općine. Komisija utvrđuje prijedlog, a na čelnik Općine donosi zaključak o dodjeli. Zaključak o rezultatima javnog oglasa dostavlja se Službi za urbanizam, stambene i komunalne poslove radi izdavanja urbanističke saglasnosti i građevne dozvole za privremeno korišćenje javne površine.

Član 9.

Dodjela lokacija za postavljanje kioska vrši se na pe riod dodvije godine uz mogućnost produženja, (prema Zakonu član 11.) u skladu sa elaboratom.

Član 10.

Dodjela lokacija za postavljanje slobodnostojećih otvorenih baš čiči vrši se na pe riod do jedne godine sa mogućnošćuproduženja, u kalendarskom periodu od 15. aprila do 15. oktobra.U slu čaju korišćenja lokacija izvan perioda navedenog uprethodnom stavu plaća se 50% naknade.Niko ne može biti korisnik više od jedne lokacije zapostavljanje slobodnostojećih otvorenih baš čiči.

Član 11.

Dodjela lokacija za postavljanje slobodnostojećih reklamnihpanoa i slobodnostojećih displeja vrši se na pe riod od jednegodine, sa mogućnošću produženja.

Član 12.

Dodjela lokacija za postavljanje kioska i slobodnostojećihotvorenih baš čiči izvan podru čja obuhvaćenog elaboratom vrši se uskladu sa prostornim mogućnostima, bez oglašavanja.

Član 13.

Dodjelu lokacija za privrmeno korišćenje javnih površinavrši na čelnik Općine putem Službe za urbanizam, stambene ikomunalne poslove u skladu sa Zakonom i ovom Odlukom.

III. VISINA I NAČIN PLAĆANJA NAKNADA

Član 14.

Korisnici javnih površina plaćaju naknadu u paušalnomiznosu na na čin utvrđen u ovoj Odluci.Prikupljena naknada pripada Općini i usmjerava se zaizgradnju i obnavljanje komunalne infrastrukture i urbanogmobilijara u skladu sa Zakonom.

Član 15.

Naknada za postavljanje kioska u centralnom dijelu Općineiznosi 30 KM/m², mjese čno.

Član 16.

Nanada za postavljanje kioska izvan podru čja obuhvaćenogelaboratom iznosi 15 KM/m², mjese čno.

Član 17.

Naknada za postavljanje slobodnostojećih otvorenih baš čiči po m² iznosi mjese čno

- u ekstra zoni 60 KM,
- u centralnoj zoni. 40 KM
- izvan podru čja obuhvaćenog elaboratom iznosi . 10 KM

Član 18.

Naknada za postavljanje stolova ispred ugostiteljskih radnji po m² iznosi mjese čno

- u ekstra zoni 60 KM
- u centralnoj zoni 40 KM
- u I zoni. 30 KM
- u II zoni 15 KM
- u III zoni 8 KM

Član 19.

Naknada za postavljanje slobodnostojećih reklamnih panoa islobodnostojećih displeja u ekstra zoni iznosi 50 KM/m²,mjese čno.

Član 20.

Naknada za postavljanje slobodnostojećih reklamnih panoa islobodnostojećih displeja izvan ekstra zone iznosi 30 KM/m²,mjese čno.

Član 21.

Naknada za postavljanja slobodnostojećih telefonskih govornica iznosi 50 KM/m², mjese čno.

Član 22.

Naknada za postavljanje prodajnih stolova ispred poslovnih prostora za izlaganje i prodaju robe po m² iznosi mjese čno:

- u ekstra zoni 50 KM
- u centralnoj zoni. 40 KM
- u I zoni. 30 KM
- u II zoni 20 KM
- u III zoni. 15 KM

Član 23.

Naknada za postavljanje konzervatora- rashladnih urelaja za prodaju sladoleda, urelaja za pečenje pečnjarskih i sličnih proizvoda iznosi mjesečno:

- u ekstra zoni 100 KM
- u centralnoj zoni. 80 KM
- u I zoni. 60 KM
- u II zoni 40 KM
- u III zoni. 20 KM

Član 24.

Naknada za postavljanje žardinjere iznosi 30 KM mjesečno, po jednoj žardinjeri.

Član 25.

Naknada za postavljanje sanduka za čišćenje obuće, vage za mjerenje tjelesne težine iznosi 20 KM mjesečno.

Član 26.

Naknada za postavljanje cirkuskih šatora iznosi 250 KM po danu.

Član 27.

Naknada za postavljanje stubića, lanaca i sličnih ograda po dužnom metru, klupa za sjedanje po kvadratnom metru iznosi 15 KM mjesečno.

Član 28.

Naknada za postavljanje zabavnih sadržaja za djecu do 2 m², iznosi mjesečno

- u ekstra zoni 250 KM
- u centralnoj zoni 200 KM
- u I, II. i III. zoni 150 KM

Za zabavne sadržaje za djecu koji zauzimaju javnu površinu više od 2 m² do 10 m², koliko se maksimalno može koristiti za navedenu svrhu, naknada za svaki naredni kvadratni metar obračunava se dodatno po 20 KM mjesečno.

Član 29.

Naknada za postavljanje tezge za prodaju lutrija i ulaznica za razne manifestacije, promovisanje proizvoda poslovnih subjekata iznosi po danu

- u ekstra zoni 50 KM
- u centralnoj zoni 40 KM
- u I, II. i III. zoni. 30 KM

Član 30.

Naknada za postavljanje slikarskog štafelaja za umjetnički rad na licu mjesta i prodaju umjetničkih slika, prodaju proizvoda izrađenih ručnim radom, BH štampe i knjiga iznosi mjesečno

- u ekstra zoni 100 KM
- u centralnoj zoni 80 KM
- u I, II i III zoni 60 KM

Član 31.

Naknada za postavljanje tezge za prodaju strane štampe, muzičke i filmske produkcije iznosi mjesečno

- u ekstra zoni 250 KM
- u centralnoj zoni 200 KM
- u I, II i III zoni. 150 KM

Član 32.

Naknada za postavljanje vozila u svrhu izvlačenja nagrada igara na sreću, te održavanje zabavnih, sportskih i drugih manifestacija iznosi po danu

- u ekstra zoni 200 KM
- u centralnoj zoni 150 KM
- u I, II i III zoni. 100 KM

Član 33.

Naknada za postavljanje tezgi za prodaju čestitki, cvijeća, jelki i prigodnih poklona iznosi po danu

- u ekstra zoni 20 KM
- u centralnoj zoni 15 KM
- u I, II i III zoni 10 KM

Član 34.

Naknada za postavljanje privremenog objekta (kontejnera i sl.) za potrebe gradilišta 20 KM/ m² mjese čno.

Član 35.

Naknada za postavljanje gralevinske fasadne skele za opravku i uređenje vanjskih dijelova zgrada (krova, oluka, fasade i sl.) i deponovanje gralevinskog materijala po m² iznosi mjese čno

- u ekstra zoni 5 KM
- u centralnoj zoni. 3 KM
- u I, II i III zoni 2 KM

Član 36.

Naknada za postavljanje antenskih stubova i baznih stanica za GSM ra dio i TV sig nal po m² iznosi mjese čno

- u ekstra i centralnoj zoni 200 KM
- u I, II i III zoni. 100 KM

Član 37.

Naknada za korištenje javnog parking prostora za jedno mjesto iznosi mjese čno

- u ekstra i centralnoj zoni 50 KM
- u I zoni 40 KM
- u II zoni 30 KM
- u III zoni 20 KM

Član 38.

Naknada utvrđena u članu 15, 16, 18, 19, 20, 21, 24, 25, 27,36 i 37. plaća se unaprijed za cijeli odobreni pe riiod prilikompreuzimanja rješenja ili mjese čno.Korisnik javne površine ukoliko se opredijeli da plaćazakupninu mjese čno obavezan je da izvrši uplatu za jedan mjesecprilikom preuzimanja rješenja, a za ostale mjesece priložizakonom predvilenu mjenicu na iznos ostatka duga.Korisnik javne površine iz člana 17. ukoliko se opredijeli daplaća zakupninu mjese čno, obavezan je da izvrši uplatu za jedanmjesec prilikom preuzimanja rješenja, a za ostale mjesece priložibankovnu garanciju na iznos duga, a ukoliko ne možeobezbijediti bankovnu garanciju, onda mora priložiti zakonopredvilenu mjenicu na iznos duga.Za korisnike koji prvi put dobiju putem javnog oglasa nakorišćenje javnu površinu u svrhu postavljanja kioska islobodnostojećih otvorenih baš či primjenjuje se na čin plaćanjakako je propisano stavom 3 člana 43. ove Odluke.

Član 39.

Naknada utvrđena u članu 22, 23, 26, 28, 29, 30, 31, 32, 33,34 i 35, plaća se unaprijed u cijelom iznosu.Ugovorene površine nije dozvoljeno širiti ili produžavati nateret neugovorene površine. U slu čaju da korisnik prekora čipovršinu, bit će opomenut da se pridržava ugovora, a u slu čajunepoštivanja opomene pokrenut će se postupak raskidanjaugovora.

Član 40.

Za iznos naknade koju korisnik ne uplati u skladu sa članom38. ove Odluke plaća se kaznena zakonom propisana kamata.

Član 41.

Naknada za korišćenje javne površine se uplaćuje na jedan odbankovnih ra čuna Općine ili neposredno na blagajni Općine sanaznakom "Naknada za zauzimanje javne površine".

Član 42.

Korisnicima javnih površina kojima je djelomi čnoonemogućeno korišćenje dijela javne površine radi gralevinskih sl. radova koji su od općeg interesa, a izvode se u neposrednojblizini istih, visina naknade umanjuje se za 50% za pe riiod doktraju ti radovi.Korisnik javne površine koji ima pravo na umanjenjenaknade, dužan je uz zahtjev priložiti nalaz Kantonalnekomunalne inspekcije ili kontrolora naplate nadležne općinskeslužbe da se u neposrednoj blizini javne površine koja je data nakorišćenje, izvode gralevinski radovi.Ukoliko se u toku trajanja ljetne sezone izvode radovi najavnoj površini koja je odobrena korisniku, a isti mora uklonitikompletan mobilijar, oslobala se plaćanja naknade za pe riiod doktraju radovi na toj javnoj površini.

Član 43.

Korisnici koji nisu izmirili obaveze utvrđene Zakonom, ovom Odlukom i rješenjem o privremenom korišćenju javnepovršine gube pravo da koriste javnu površinu narednih petgodina.Izuzetno od odredaba stava l. ovog člana, korisniku javnepovršine se može odobriti korišćenje

javne površine ukoliko izmiri obaveze iz prethodne godine, a najdalje do po četkanaredne godine. Korisnici - fizička lica iz prethodnog stava, prilikom preuzimanja rješenja, obavezni su priložiti zakonom predviđenu jamčenicu sa dva žiranta koji moraju biti u radnom odnosu što dokazuje odgovarajućom potvrdom, a pravna lica pravno relevantnu garanciju. Izabrani korisnici za postavljanje slobodnostojećih otvorenih bašča, dužni su prije preuzimanja rješenja uplatiti prvu mjesečnu ratu. Korisnici javnih površina ne smiju samovoljno postavljati tendere, suncobrane preko 5 m². Za iste moraju dobiti dozvolu od nadležne službe, a sve u cilju zaštite kulturno-historijskog ambijenta.

Član 44.

Ukoliko se ustanovi iz evidencije da korisnik javne površine kasni sa uplatom naknade, isti će se obavijestiti da u roku osam dana od dana prijema, izmiri zaostale obaveze, te ukoliko ne postupi po obavijesti provest će se postupak prinudnog otklanjanja postavljenih sadržaja na javnoj površini o trošku korisnika. Neuplaćena finansijska sredstva (dug) će se naplatiti na način kako je predviđeno zakonom, sa pripadajućom kamatom za svaki dan zakašnjenja.

Član 45.

Služba za urbanizam, stambene i komunalne poslove će na osnovu evidencije rješenja u roku od 15 dana po nastanku duga, podnijeti Općinskom pravobranilaštvu prijedlog za utuženje duga.

Član 46.

Za održavanje prigodnih manifestacija od interesa za Općinu (humanitarne, kulturne, sportske, predizborne i slično) može se odobriti korišćenje javne površine bez naknade, o čemu odlučuje načelnik Općine.

IV. ZONE JAVNIH POVRŠINA

Član 47.

Javne površine na području Općine podijeljene su: na ekstraszonu, centralni dio, I, II i III zonu. **Ekstra zona**, u smislu ove Odluke, obuhvata: Trg oslobođenja, Fra Grge Martića, Štrosmajerova, Ferhadija, Sara čička. **Centralni dio** Općine, u smislu ove Odluke, obuhvata: Baščaršijski trg, Čumurija, Dženetić čička, Gazihusrevbegova, Gajev trg- čička, Kvadrant XI, Mula Mustafe Bašeskije od ulice Niže banje do ulice Koturova, Mula Mustafe Bašeskije od ulice Besarina čička do ulice Telali, Trgovke, Zelenih beretki, Bravadžiluk, Bravadžiluk mali, Kundurdžiluk.

I. zona, u smislu ove Odluke, obuhvata ulice: Abadžiluk, Aščiluk, Austrijski trg, Alifakovac do raskršća sa ulicom Veliki Alifakovac, Bazardžani, Bistrik do ulice Bakarevića, Brodac, Čizmedžiluk, Čulhan, Čurčiluk mali, Čurčiluk veliki, Despićeva, Lagina, Franjevačka, Hala čička, Hamdije Kreševljakovića, Jelića, Josipa Šadlera, Kazandžiluk, Kazazi, Konak, Kova čička, Podkova čička, Kračule, Kujundžiluk, Luledžina, Logavina do raskršća sa ulicom Toromanova, Mudžeti mali, Mudžeti veliki, Muse Čazima Čatića do raskršća sa ulicom Potoklinica, Mustaj pašin Međan, Obala Isa bega Ishakovića, Obala Kulina bana, Oprkanj, Pehlivanuša do ulice Petrakijine, Petrakijina, Prote Bakovića, Safvet bega Bašagića do raskršća sa ulicom Ulomljenica, Sagrdžije do raskršća sa ulicom Čemerlina, Saliha Hadžihuseinovića Muvekita, Sime Milutinovića Sarajlije, Avdage Šahinagića, Šeher Čehajina čička, Tabaci, Telali, Velika avlija, Vladislava Skarića, Patke, Kasim ef. Dobra čička Isa bega Ishakovića (obala izmela mosta "Čumurija" i "Latinske ćuprije").

II. zona, u smislu ove Odluke, obuhvata ulice: Alajbegovića, Bakarevića, Bentbaša, Besarina čička, Bistrik iza ulice Bakarevića do obilaznice, Bijela čička, Ekmića čička, Hadžidamjanova čička, Jankovića čička, Jaroslava Černijačička, Logavina od raskršća sa ulicom Toromanova do kraja, Koturova čička, Na Varoši, Saburina, Sagrdžije od raskršća sa ulicom Čemerlina do kraja, Safvet bega Bašagića od raskršća sa ulicom Ulomljenica do kraja, Todora Švrakića čička, Mula Mustafe Bašeskije od ulice Koturove do ulice Besarina čička.

III. zona obuhvata sve ostale ulice na području općine koje nisu uvrštene u naprijed navedene zone.

V. PRELAZNE I ZAVRŠNE ODREDBE

Član 48.

Za nosioce rješenja o zauzimanju javnih površina iz 2004. godine koji su iste koristili za kioske i slobodnostojeće otvorene bašče, primjenjivat će se odredbe člana 9. i člana 10. ove Odluke.

Član 49.

Stupanjem na snagu ove Odluke prestaje primjena Odluke o privremenom korišćenju javnih površina na području općine Stari Grad Sarajevo ("Službene novine Kantona Sarajevo", broj 6/04).

Član 50.

Ova Odluka stupa na snagu danom objavljivanja na oglasnoj ploči Općine i objavit će se u "Službenim novinama Kantona

Sarajevo".
Broj 02-49-266/05
aprila 2005. godine
Sarajevo
Predsjedavajući
Općinskog vijeća

Stari Grad Sarajevo
dr. sc. **Rizah Avdić**, s.r .
Ova Odluka objavljena je na oglasnoj plo či Općine Stari
Grad Sarajevo 10. maja 2005. godine.